



# INSTITUTO GALEGO DE PROMOCIÓN ECONÓMICA

## FICHA DE AXUDA

### ENTIDADE (Código da ficha)

INDU017 - Consellería de Economía e Industria

### 1. TÍTULO DO PROGRAMA/ AXUDA

AXUDAS PARA O FOMENTO DA PROPIEDAD INDUSTRIAL (IN525A)

### 2. FINALIDADE / OBXECTIVO

Fomentar a protección da propiedade industrial en Galicia, tanto a nivel nacional como internacional, para garantir a plena explotación dos resultados das nosas innovacións. Trátase de impulsar a protección, non só das innovacións técnicas (invencións), senón tamén das innovacións de forma (deseños industriais) e de imaxe (signos distintivos)

### 3. TIPOS DE APOIO

Subvención a fondo perdido en réxime de concorrencia non competitiva.

### 4. BENEFICIARIOS POTENCIAIS

As empresas de carácter privado con personalidade xurídica que estean validamente constituídas no momento de presentación das solicitudes, que teñan o seu domicilio social ou algún centro produtivo na Comunidade Autónoma de Galicia, sempre que os conceptos para os que solicitan a subvención teñan aplicación directa nestes centros produtivos.

Non se poderán conceder estas axudas ás empresas en crise.

### 5. SECTORES INCENTIVABLES

Todos excepto a pesca e acuicultura, produción primaria, produtos agrícolas e o sector do carbón.

### 6. REQUISITOS PRINCIPAIS DO PROXECTO

-

### 7. CUALIFICACIÓN REQUERIDA DO PROXECTO

-

### 8. INVESTIMENTOS E/OU GASTOS COMPUTABLES

Estas subvencións destinaranse a atender os gastos derivados da tramitación de solicitudes de títulos de propiedade industrial e da súa renovación, ante as oficinas nacionais, rexionais ou internacionais. Dentro destas tramitacións inclúense como subvencionables, sempre que cumpran os requisitos da Orde EHA/524/2008, do Ministerio de Economía e Facenda, do 26 de febreiro, os seguintes conceptos e gastos:

a) Solicitud de calquera título de propiedade industrial (invencións, creacións de formas e signos distintivos). Dentro deste concepto inclúense todos os trámites que sexan necesarios para a solicitude do título correspondente e que supoñan o pagamento dunha taxa oficial ante a oficina de propiedade industrial correspondente, así como a transformación ou a extensión territorial de títulos existentes.

Terán a consideración de gastos subvencionables os seguintes:

- Os importes das taxas aplicadas polas ditas oficinas para a realización dos trámites citados.
- Os gastos de consultoría externa asociados á preparación e presentación ante as ditas oficinas da documentación correspondente aos trámites citados. Establécense unhas contías máximas subvencionables para estes gastos de consultoría que se recollen no anexo X.

Exclúese deste concepto o trámite referido á solicitude do certificado do título de rexistro tanto da marca como do nome comercial naqueles casos en que este trámite non require o pagamento dunha taxa ante a oficina de propiedade industrial correspondente.

b) Mantemento de calquera título de propiedade industrial. Dentro deste concepto inclúense todos os trámites correspondentes á renovación de marcas, nomes comerciais e deseños industriais e á renovación e posta en explotación de patentes e modelos de utilidade.

Terán a consideración de gastos subvencionables os seguintes:

- Os importes das taxas aplicadas polas ditas oficinas para a realización dos trámites citados.
- Os gastos de consultoría externa asociados á preparación e presentación ante as ditas oficinas da documentación correspondente aos trámites citados. Establécense unhas contías máximas subvencionables para estes gastos de consultoría que se recollen no anexo X.

c) Análises de rexistrabilidade de calquera título de propiedade industrial (invencións, creacións de formas e signos distintivos). Terán a consideración de gastos subvencionables os seguintes:

- Os gastos de consultoría externa asociados á realización de buscas de antecedentes rexistrados ou informes de rexistrabilidade, efectuados con carácter previo á solicitude de protección do título de que se trate. Establécense unhas contías máximas subvencionables para estes gastos de consultoría que se recollen no anexo X.

- A subvencionalidade destes gastos está condicionada á presentación, ante a oficina de que se trate, da solicitude do título correspondente.

Estas subvencións terán unha única anualidade, e só se admitirán aqueles gastos, dos relacionados no número 4 destas bases, que fosen realizados e pagados dentro do período comprendido entre o 1 de xaneiro de 2012 e a data de presentación da solicitude de subvención.

## **9. CONTÍA DAS AXUDAS**

A axuda que se vai conceder asume a forma de subvención a fondo perdido e a súa contía será o 70% dos gastos subvencionables, sempre que exista crédito.

Así mesmo, a suma das subvencións percibidas por un mesmo beneficiario, resultado de ter presentado unha ou varias solicitudes ao abeiro desta convocatoria, non poderá superar os 30.000 euros.

## **10. PLAZO DE PRESENTACIÓN DE SOLICITUDES**

O prazo de presentación de solicitudes comezará o día seguinte ao da publicación desta orde no Diario Oficial de Galicia e rematará o 15 de novembro de 2012.

Neste caso, informarase do peche adiantado do prazo de solicitude a través das páxinas web da Dirección Xeral de Investigación, Desenvolvemento e Innovación e no Diario Oficial de Galicia.

#### **11. INCOMPATIBILIDADES**

As subvencións reguladas nestas bases serán incompatibles con calquera outra axuda outorgada, para os mesmos gastos, por calquera outra Administración, organismo ou ente público ou privado. Desta maneira, as axudas outorgadas non superarán o custo total elixible do proxecto.

Este réxime de axudas quedará suxeito ao Regulamento relativo á aplicación dos artigos 87 e 88 do Tratado das axudas de minimis.

#### **12. REFERENCIA LEGISLATIVA**

Orde do 17 de abril de 2012 (DOG Nº 80 do 26/04/2012) - Bases e convocatoria 2012

#### **13. INFORMACIÓN E TRAMITACIÓN EN**

A solicitude de subvención (anexo II) e os demais anexos que a acompañan (do III ao X) poderanse obter, cubrir ou imprimir a través dos enderezos da internet <https://sede.xunta.es> ou <http://economiaeindustria.xunta.es/dxidi> da Xunta de Galicia facendo uso do enlace dispoñible co procedemento IN525A.

As solicitudes presentaranse electronicamente a través da sede electrónica da Xunta de Galicia, no enderezo <https://sede.xunta.es>.

Tamén poderán presentarse na Oficina de Rexistro Único e Información no complexo administrativo de San Caetano, ou polos restantes medios previstos no artigo 38.4.º da Lei 30/1992, do 26 de novembro, de réxime xurídico das administracións públicas e do procedemento administrativo común (en diante LRXAPPAC).

Sobre este procedemento administrativo, que ten o código IN525A, poderase obter información adicional na Dirección Xeral de Investigación, Desenvolvemento e Innovación, a través dos seguintes medios:

- a) Páxina web oficial da consellería (<http://economiaeindustria.xunta.es>), na súa epígrafe de Axudas.
- b) Os teléfonos 981 95 73 90 e 981 95 73 91 da devandita dirección xeral.
- c) O enderezo electrónico [cei.infosegapi@xunta.es](mailto:cei.infosegapi@xunta.es)
- d) Presencialmente.

#### **14. OBSERVACIÓNS**

-